

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O IZMJENAMA I DOPUNAMA ZAKONA O SJEMENU I
SADNOM MATERIJALU POLJOPRIVREDNOG BILJA**

Sarajevo, august 2013. godine

Z A K O N
O IZMJENAMA I DOPUNAMA ZAKONA O SJEMENU I SADNOM
MATERIJALU POLJOPRIVREDNOG BILJA

Član 1.

U Zakonu o sjemenu i sadnom materijalu poljoprivrednog bilja («Službene novine Federacije BiH», broj 55/01) u članu 2. iza tačke 7. dodaje se nova tačka 8. koja glasi:

„8. Certifikacija je postupak potvrđivanja poljoprivrednog reproducijskog materijala kroz provođenje stručnog nadzora i izdavanje certifikata o sjemenu, odnosno certifikata o sadnom materijalu.“

Član 2.

Član 3. mijenja se i glasi:

„Poslove u području sjemenarstva i rasadničarstva utvrđene ovim Zakonom obavljaju Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo), kantonalna ministarstva nadležna za poslove poljoprivrede (u daljem tekstu: kantonalna ministarstva) te Federalni zavod za poljoprivredu Sarajevo (u daljem tekstu: Poljoprivredni Zavod) i Federalni agromediteranski zavod Mostar (u daljem tekstu: Agromediteranski Zavod), te druga pravna lica koja ispunjavaju uvjete propisane ovim zakonom (u daljem tekstu: ovlašteno pravno lice), a koje ovlasti Federalno ministarstvo.

Poljoprivredni Zavod vrši stručne i druge poslove iz nadležnosti Federacije koji se odnose na certificiranje sjemena i sadnog materijala poljoprivrednog bilja na području kontinentalne klimatske regije.

Agromediteranski Zavod vrši stručne i druge poslove iz nadležnosti Federacije koji se odnose na certificiranje sjemena i sadnog materijala poljoprivrednog bilja na području mediteranske klimatske regije.“

Član 3.

U članu 6. u tački 1. riječi: „(elitno sjeme)“ brišu se.

U tački 2. istog člana riječi: „(originalno sjeme)“ brišu se.

Član 4.

U članu 7. u stavu 4. iza riječi: „federalni ministar“ briše se tačka, stavlja zarez i dodaju riječi: „na prijedlog Poljoprivrednog ili Agromediteranskog Zavoda ili ovlaštenog pravnog lica.“

Član 5.

U članu 9. u stavu 1. riječi: „naučna ili naučno-istraživačka ustanova koju ovlasti federalni ministar (u daljem tekstu: ovlaštena ustanova)“, zamjenjuju se riječima: „Poljoprivredni ili Agromediteranski Zavod ili ovlašteno pravno lice“.

U stavu 2. istog člana riječi: „nadležna ustanova“, zamjenjuju se riječima: „Poljoprivredni ili Agromediteranski Zavod ili ovlašteno pravno lice.“

U stavu 3. istog člana riječi: „Ovlaštena ustanova iz stava 1. ovog člana je dužna“, zamjenjuju se riječima: „Poljoprivredni ili Agromediteranski Zavod ili ovlašteno pravno lice su dužni“.

Član 6.

U članu 10. stav 1. riječi: „nadležna ustanova“, zamjenjuju se riječima: „Poljoprivredni ili Agromediteranski zavod ili ovlašteno pravno lice.“

U stavu 2. istog člana riječi: „Ovlaštena ustanova dužna je“, zamjenjuju se riječima: „Poljoprivredni ili Agromediteranski Zavod ili ovlašteno pravno lice dužni su“.

Član 7.

U članu 11. riječi: „ovlaštena ustanova“, zamjenjuju se riječima: „Poljoprivredni ili Agromediteranski Zavod ili ovlašteno pravno lice.“

Član 8.

U članu 23. u stavu 1. riječi: „nadležnom kantonalnom ministarstvu“, zamjenjuju se riječima: „Poljoprivrednom ili Agromediteranskom Zavodu ili ovlaštenom prvnom licu.“

U stavu 2. istog člana riječi: „kantonalnim ministarstvima“, zamjenjuju se riječima: „Poljoprivrednom ili Agromediteranskom Zavodu ili ovlaštenom pravnom licu.“

Član 9.

U članu 44. u stavu 1. riječi: „naučna ili naučno-istraživačka ustanova koju ovlasti federalni ministar (u daljem tekstu: ovlaštena ustanova)“, zamjenjuju se riječima: „Poljoprivredni ili Agromediteranski Zavod ili ovlašteno pravno lice“

U stavu 2. istog člana riječi: „Ovlaštena ustanova iz stava 1. ovog člana je dužna“, zamjenjuju se riječima: „Poljoprivredni ili Agromediteranski Zavod ili ovlašteno pravno lice su dužni“.

U stavu 3. istog člana riječi: „naučne i naučno-istraživačke ustanove“, zamjenjuju se riječima: „Poljoprivredni ili Agromediteranski Zavod ili ovlašteno pravno lice.“

U stavu 4. istog člana riječi: „ovlaštena ustanova izdaje“, zamjenjuju se riječima: „Poljoprivredni ili Agromediteranski Zavod ili ovlašteno pravno lice izdaju“.

Član 10.

U članu 46. u stavu 1. riječi: „ovlaštena ustanova“, zamjenjuju se riječima: „Poljoprivredni ili Agromediteranski Zavod ili ovlašteno pravno lice.“

Član 11.

U članu 47. u stavu 1. riječi: „ovlaštena ustanova“, zamjenjuju se riječima: „Poljoprivredni ili Agromediteranski Zavod ili ovlašteno pravno lice.“

Član 12.

U članu 50. u stavu 1. riječi: „ovlaštena ustanova“, zamjenjuju se riječima: „Poljoprivredni ili Agromediteranski Zavod ili ovlašteno pravno lice.“

Član 13.

U članu 53. u stavu 2. riječi: „nadležnom kantonalnom ministarstvu“, zamjenjuju se riječima: „Poljoprivrednom ili Agromediteranskom Zavodu ili ovlaštenom pravnom licu.“

U stavu 3. riječi: „kantonalnim ministarstvima“, zamjenjuju se riječima: „Poljoprivrednom ili Agromediteranskom Zavodu ili ovlaštenom pravnom licu.“

Član 14.

U članu 63. stav 3. mijenja se i glasi:
„Visinu naknada iz stava 1. ovog člana propisuje federalni ministar. Naknade iz stava 1. ovog člana prihod su Budžeta Federacije Bosne i Hercegovine odnosno ovlaštenih pravnih lica.“

Član 15.

Član 64. mijenja se i glasi:
„Upravni nadzor nad provođenjem ovog zakona vrši Federalno ministarstvo.“

Član 16.

U Poglavlju VI- KAZNENE ODREDBE, u članu 75. stav 1. mijenja se i glasi:
„Novčanom kaznom u iznosu od 10.000,00 KM do 15.000,00 KM kaznit će se za prekršaj pravno lice ako:“

Stav 2. mijenja se i glasi:

„Za prekršaj iz stava 1. ovog člana kaznit će se novčanom kaznom u iznosu od 2.000,00 KM do 3.000,00 KM i odgovorno lice u pravnom licu“.

Član 17.

U članu 76. stav 1. mijenja se i glasi:
„Novčanom kaznom u iznosu od 8.000,00 KM do 15.000,00 KM kaznit će se za prekršaj pravno lice ako:“

Stav 2. mijenja se i glasi:

„Za prekršaj iz stava 1. ovog člana kaznit će se novčanom kaznom u iznosu od 1.500,00 KM do 3.000,00 KM i odgovorno lice u pravnom licu“.

Član 18.

U članu 77. stav 1. mijenja se i glasi:
„Novčanom kaznom u iznosu od 5.000,00 KM do 10.000,00 KM kaznit će se za prekršaj pravno lice ako:“

Stav 2. mijenja se i glasi:

„Za prekršaj iz stava 1. ovog člana kaznit će se novčanom kaznom u iznosu od 1.000,00 KM do 3.000,00 KM i odgovorno lice u pravnom licu“.

Član 19.

U članu 78. stav 1. mijenja se i glasi:

„Novčanom kaznom u iznosu od 2.000,00 KM do 10.000,00 KM kaznit će se za prekršaj pravno lice ako:“

Stav 2. mijenja se i glasi:

„Za prekršaj iz stava 1. ovog člana kaznit će se novčanom kaznom u iznosu od 1.000,00 KM do 2.000,00 KM i odgovorno lice u pravnom licu“.

Član 20.

Član 79. mijenja se i glasi:

„Novčanom kaznom u iznosu od 200,00 KM do 1.500,00 KM za učinjeni prekršaj kaznit će se građanin ako stavi u promet sjeme i sadni materijal (član 26. stav 6. i član 54. stav 6.) ili ako učini bilo koju od radnji iz člana 77. i 78. ovog Zakona.“

Član 21.

Ovaj Zakon stupa na snagu narednog dana od dana objave u „Službenim novinama Federacije BiH“.

O b r a z l o ž e n j e

I PRAVNI OSNOV

Pravni osnov za donošenje Zakona o izmjenama i dopunama Zakona o sjemenu i sadnom materijalu poljoprivrednog bilja sadržan je u odredbama člana III 2. c) u vezi sa članom III 3. (1), (2) i (3) i članom IV A 5.20. (1) d) Ustava Federacije Bosne i Hercegovine prema kojima je u nadležnosti federalne vlasti i kantona iskorištavanje prirodnih bogatstava. Imenovane nadležnosti se mogu vršiti zajednički, odvojeno ili od strane kantona uz koordinaciju Federacije, koja donosi zakone na nivou Federacije, uvažavajući pri tome specifičnosti pojedinih federalnih jedinica.

II RAZLOZI ZA DONOŠENJE

Zakonom o izmjenama i dopunama Zakona o federalnim ministarstvima i drugim tijelima federalne uprave („Službene novine Federacije BiH“, broj 38/05), čl. 29b. i 29c. osnovani su Federalni zavod za poljoprivredu Sarajevo i Federalni agromediteranski zavod Mostar za vršenje stručnih i drugih poslova iz nadležnosti Federacije. Navedeni zavodi su, između ostalog, ovlašteni i za vršenje certificiranja sjemena i sadnog materijala poljoprivrednog bilja.

Zbog usklađenosti sa navedenim zakonom, nužno je donijeti izmjene i dopune Zakona o sjemenu i sadnom materijalu poljoprivrednog bilja kojim će se definisati organi i nadležnosti u postupcima certificiranja sjemena i sadnog materijala poljoprivrednog bilja.

Kaznene odredbe Zakonom o prekršajima Federacije BiH («Službene novine F BiH», broj 31/06), članom 83. stav 2. određeno je da u slučaju da su drugi zakoni u Federaciji u suprotnosti s ovim zakonom primjenjivat će se ovaj zakon.

Zbog nedosljedne primjene ovog zakona Federalna uprava za inspekcijske poslove nije mogla uspješno primjenjivati odredbe Zakona o inspekcijama i drugih pozitivnih materijalnih propisa u okviru svoje nadležnosti što se prije svega ogledalo u različitosti propisanih kaznenih odredbi u Zakonu o prekršajima u FBiH i drugim materijalnim propisima.

Zbog navedenog nužno je izvršiti usaglašavanje postojećih zakonskih propisa sa Zakonom o prekršajima Federacije BiH na koji način bi se efikasno i na zakonom utvrđen način obezbjedila sredstva za priliv i rast Budžeta F BiH.

Ostvarenje Budžeta Federacije BiH, je pored ostalog ovisno o blagovremenoj i zakonitoj naplati poreza, taksi, carina, doprinosa kao i novčanih kazni prikupljenih u inspekcijskom poslu, pa rast Budžeta i priliv novčanih sredstava od kazni u potpunosti zavisi od zakona koji se primjenjuju u inspekcijskom postupku i od njihove usklađenosti sa Zakonom o prekršajima u Federaciji BiH.

Članom 1. definisan je postupak certifikacije poljoprivrednog reprodukcijskog materijala.

Članom 2. utvrđeni su organi nadležni za provođenje poslova u području sjemenarstva i rasadničarstva.

Članom 3.- 13. utvrđeni su poslovi i zadaci Federalnog zavoda za poljoprivredu Sarajevo i Federalnog agromediteranskog zavoda Mostar.

Članom 14. određeno je da visinu naknada propisuje federalni ministar i da su naknade prihod Budžeta Federacije BiH.

Članom 15. utvrđen je nadzor nad provođenjem ovog Zakona.

Članom 16.-20. utvrđene su novčane kazne u prekršajnom postupku za pravna, odgovorna i fizička lica. Visine novčanih kazni su usaglašene sa Zakonom o prekršajima Federacije BiH.

III FINANSIJSKA SREDSTVA

Za realizaciju odredaba ovog Zakona nije potrebno izdvojiti dodatna sredstva iz Budžeta Federacije Bosne i Hercegovine

Tekst odredbi
Zakona o sjemenu i sadnom materijalu poljoprivrednog bilja („Službene novine Federacije BiH“ broj 55/01) koje se mijenjaju ili dopunjuju:

Član 2.

U smislu ovog zakona pojedini izrazi imaju sljedeća značenja:

1. Poljoprivredno sjeme su generativni ili vegetativni dijelovi poljoprivrednog bilja koji služe za umnožavanje poljoprivrednog bilja u ratarstvu, povrtlarstvu, cvjećarstvu i generativnih podloga u voćarstvu.
2. Poljoprivredno sortno sjeme je predosnovno sortno sjeme i sjemenske kategorije koje se proizvode višestrukim cikličnim umnožavanjem predosnovnog sjemena domaćih i stranih sorti poljoprivrednog bilja priznatih u Federaciji i lokalne i prirodne populacije kulturnog bilja kao eko-tipovi, klonovi i slično koje se nalaze u proizvodnji i koje su upisane u listu domaćih, stranih i odomaćenih stranih sorti poljoprivrednog bilja u Federaciji (u daljem tekstu: sorte koje su priznate u Federaciji).
3. Sorte poljoprivrednog bilja (u daljem tekstu: sorta) skupina je biljaka unutar najniže botaničke sistematske jedinice koja se odlikuje: izražajnošću svojstva određenog grn-tipa ili kombinacije genotipova, razlikovanjem od bilo koje druge sorte prema barem jednom od navedenih svojstava, te kao cjelina ostaje nepromjenjena nakon umnožavanja ili na kraju svojstvenog ciklusa umnožavanja.
4. Poljoprivredni sadni materijal jesu sadnice koje služe za podizanje voćnjaka i vinograda, te cvijeće, ruže, ukrasno grmlje i drveće, kao i reprodukcioni materijal za proizvodnju sadnica.
5. Reprodukcionni sadni materijal za proizvodnju sadnica jeste: sjeme za proizvodnju podloga, vegetativne podloge, korjenjaci, korijenov izdanak, zrele i zelene reznice plemke i meristem ako potiču od selekcioniranih matičnih, elitnih matičnih i priznatih (originalnih) matičnih stabala ili grmova sorti i podloga.
6. Voćna sadnica je jednogodišnja ili višegodišnja biljka nastala iz vegetativnih dijelova matične biljke ili spajanjem podloge i plemke ili je uzgojena iz sjemena matične biljke.
7. Presadnica je biljni materijal dobiven generativnim ili vegetativnim putem a služi za umnožavanje poljoprivrednog bilja.

Član 3.

Poslove u području sjemenarstva i rasadničarstva, utvrđene ovim zakonom, obavljaju Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo), kantonalna ministarstva mjerodavna za poslove poljoprivrede (u daljem tekstu: kantonalno ministarstvo), kao i naučne ili naučno-istraživačke ustanove i druge ustanove koje ispunjavaju uvjete utvrđene ovim zakonom a koje ovlasti federalno ministarstvo.

Član 6.

Kategorije poljoprivrednog sortnog sjemena su:

1. Predosnovno sjeme (elitno sjeme) proizvodi i održava stvaratelj sorte, odnosno pravno lice na koje je stvaratelj sorte prenio pravo održavanja ili registrirani umnoživač umnožavanjem odobranih biljaka izvorne generacije priznatih sorti poljoprivrednog bilja u Federaciji.
2. Osnovno sjeme (originalno sjeme) proizvodi se iz predosnovnog sjemena pod kontrolom stvaranja sorte ili ovlaštenog umnoživača.
3. Certificirano sjeme prve generacije (sjeme prve sortne reprodukcije) proizvodi se umnožavanjem osnovnog sjemena.
4. Certificirano sjeme druge generacije (sjeme druge sortne reprodukcije) proizvodi se umnožavanjem certificiranog sjemena prve generacije ili smjemena viših kategorija.
5. Certificirano sjeme treće generacije (sjeme treće sortne reprodukcije) proizvodi se umnožavanjem certificiranog sjemena druge generacije ili sjemena viših kategorija.
6. Priznato sortno (proizvodno) sjeme duhana, krmnog i povrtnog bilja, izuzev sjemena krompira, bez obzira na broj reprodukcija, a ovisno od sortne čistoće i zdravstvenog stanja.
7. Samooplodna linija (sjeme samooplodnih linija) jeste potomstvo homozigotne biljke uz gojene u kontrolisanoj samooplodnji u toku više generacija pod kontrolom stvaranja sorte.
8. Jednostruki hibrid (SC) jeste prva generacija križanja dvije samooplodne linije.
9. Dvostruki hibrid (DC) jeste prva generacija križanja dva jednostruka hibrida.
10. Trostruki hibrid (TWC) jeste prva generacija križanja jedne samooplodne linije i jednostrukog hibrida.

2. Proizvodnja poljoprivrednog sjemena

Član 7.

Poljoprivredno sjeme (u daljem tekstu: sjeme) mogu proizvoditi pravna lica (u daljem tekstu: proizvođač sjemena) koja su upisana u Registar proizvođača sjemena.

Iznimno od stava 1. ovog člana proizvodnjom sjemena mogu se baviti i fizička lica na osnovu pisanog ugovora o saradnji sa proizvođačem sjemena, a sjeme proizvedeno u toj saradnji smatra se proizvodnjom proizvođača sjemena.

Proizvođač sjemena može proizvoditi samo sjeme sorti koje su priznate u Federaciji, a za sorte za koje je podnesen zahtjev za priznavanje odnosno odobravanje

uvođenja u proizvodnju na teritoriji Federacije može postojati samo eksperimentalna proizvodnja do priznavanja u Federaciji.

Vrste sjemena koja nije dopušteno uzgajati i umnožavati na određenim područjima Federacije propisuje federalni ministar.

Ovisno o vrsti i vremenu proizvodnje sjemena, proizvođači sjemena dužni su o masi proizvedenog sjemena izvijestiti Federalno ministarstvo i nadležno kantonalno ministarstvo na kraju proizvodnog ciklusa a najkasnije do 31. decembra tekuće godine.

Član 9.

Stručni pregled nad proizvodnjom predosnovnog i osnovnog sortnog sjemena i samooplodnih linija obavlja stvaratelj sorte, ili naučna ili naučno-istraživačka ustanova koju ovlasti federalni ministar (u daljem tekstu: ovlaštena ustanova), a o pregledu i nalazu koji je pri pregledu utvrđen dužan je izvijestiti Federalno ministarstvo.

Stručni pregled nad proizvodnjom certificiranog sjemena prve, druge i treće generacije, priznatog (proizvodnog), te jednostrukih, dvostrukih, trostrukih i ostalih hibrida vrši mjerodavna ustanova.

Ovlaštena ustanova iz stava 1. ovog člana je dužna izvještavati Federalno ministarstvo o obavljenom stručnom pregledu na kraju proizvodnog ciklusa a najkasnije do 31. decembra tekuće godine.

Način i metodologiju po kojoj će se provoditi stručni pregled proizvodnje sjemenskog usjeva pojedinih biljnih vrsta, obrazac izvještaja i stupanj obrazovanja službenika za obavljanje stručnog pregleda propisuje federalni ministar.

Član 10.

Nakon izvršenog stručnog pregleda proizvodnje sjemenskog usjeva i na osnovu nalaza stručnog pregleda, mjerodavna ustanova izdaje uvjerenje o priznavanju sjemenskog usjeva (u daljem tekstu: uvjerenje) najkasnije 15 (petnaest) dana od posljednjeg pregleda.

Ovlaštena ustanova dužna je voditi evidenciju o izdatim uvjerenjima iz stava 1. ovog člana.

Obrazac uvjerenja iz stava 1. ovog člana, te sadržaj, oblik i način vođenja evidencije iz stava 2. ovog člana propisuje federalni ministar.

Član 11.

Ako proizvođač sjemenskog usjeva učini propust u bilo kojoj fazi proizvodnje sjemenskog usjeva, ovlaštena ustanova će poduzeti mjere da se utvrđeni nedostaci uklone ili unište.

Član 23.

Zahtjev za izdavanje obrazaca deklaracije podnosi se nadležnom kantonalnom ministarstvu.

Izdavanje obrazaca deklaracije, njihovu distribuciju kantonalnim ministarstvima i vođenje evidencije o izdatim deklaracijama vrši Federalno ministarstvo.

Veličinu, boju i sadržaj deklaracije za različite kategorije sjemena, obrazac deklaracije, te sadržaj, oblik i način vođenja evidencije iz stava 2. ovog člana propisuje federalni ministar.

Član 44.

Stručni pregled proizvodnje sadnog materijala obavlja naučna ili naučno-istraživačka ustanova koju ovlasti federalni ministar (u daljem tekstu: ovlaštena ustanova).

Ovlaštena ustanova iz stava 1. ovog člana je dužna izvještavati Federalno ministarstvo o obavljenom stručnom pregleda na kraju proizvodnog ciklusa a najkasnije do 31. decembra tekuće godine.

Način i metodologiju po kojoj će se provoditi stručni pregled proizvodnje sadnog materijala i stupanj obrazovanja službenika za obavljanje stručnog pregleda, te uvjete koje moraju ispunjavati naučne ili naučno-istraživačke ustanove iz stava 1. ovog člana propisuje federalni ministar.

Nakon provedenog stručnog pregleda, proizvodnja sadnog materijala i na osnovu nalaza stručnog pregleda, ovlaštena ustanova izdaje uvjerenje o porijeklu, kvalitetu i autentičnosti pregledanog sadnog materijala, odnosno rješenje da proizvedeni sadni materijal ne odgovara propisanim uvjetima.

Član 46.

Ovlaštena ustanova dužna je voditi evidenciju o pregledanoj rasadničarskoj proizvodnji prema vrsti, sorti, podlozi i količini pojedinog sadnog materijala. Sadržaj, oblik i način vođenja evidencije iz stava 1. ovog člana propisuje federalni ministar.

Član 47.

Ovlaštena ustanova dužna je izvještavati Federalno ministarstvo o obavljenom stručnom pregledu na kraju proizvodnog ciklusa a najkasnije do 31. decembra tekuće godine.

Obrazac izvještaja iz stava 1. ovog člana propisuje federalni ministar.

Član 50.

Kvalitet proizvedenog sadnog materijala, u skladu sa propisanim normama, utvrđuje ovlaštena ustanova u rasadniku nakon vađenja iz zemljišta odnosno prije pakovanja.

Za kvalitet proizvedenog sadnog materijala odgovara proizvođač sadnog materijala.

Član 53.

Ovisno o vrsti i kategoriji sadnog materijala deklaracija na ambalaži mora biti jedinstvena prema sadržaju, veličini, boji te mora imati broj.

Zahtjev za izdavanje deklaracije podnosi se nadležnom kantonalnom ministarstvu.

Izdavanje obrasca deklaracije, njihovu distribuciju kantonalnim ministarstvima i vođenje evidencije o izdatim deklaracijama vrši Federalno ministarstvo.

Obrazac deklaracija prema kategorijama sadnog materijala i način vođenja evidencije iz stava 3. ovog člana propisuje federalni ministar.

Član 63.

Pravna lica plaćaju naknadu troškova za:

1. Izvršeni stručni pregled proizvodnje sjemena i sadnog materijala poljoprivrednog bilja iz člana 9. stav 2. i člana 44. ovog zakona;
2. Utvrđivanje kvaliteta i deklarisanje sjemena i sadnog materijala iz čl. 20., 23., 28., 29., 33., 38., 50., 53. i 58. ovog zakona.

Visinu naknada iz stava 1. ovog člana propisuje federalni ministar. Naknade iz stava 1. tačke 1. ovog člana prihod su ovlaštene ustanove, a naknade iz stava 1. tačke 2. ovog člana prihod su Budžeta Federacije Bosne i Hercegovine, dorađivača sjemena, odnosno laboratorije za kontrolu kvaliteta.

Član 64.

Upravni nadzor nad provođenjem ovog zakona, kao i upravni nadzor nad radom ovlaštenih pravnih lica u prenijetim im poslovima iz nadležnosti federalnog organa uprave vrši Federalno ministarstvo.

VI - KAZNE NE ODREDBE

Član 75.

Novčanom kaznom od 20.000,00 KM do 50.000,00 KM kaznit će se za privredni prijestup pravno lice:

1. Ako proizvodi sjeme a nije upisano u Registar proizvođača sjemena (član 7. stav 1.);

2. Ako uzgaja ili umnožava vrste poljoprivrednog bilja koje nije dopušteno uzgajati (član 7. stav 2.);
3. Ako stavlja u prodaju sjeme koje nije dorađeno (član 12. stav 2.);
4. Ako sjeme u prometu nije na propisan način pakovano i deklarirano, odnosno ako uz otpremnicu nema dokumentaciju (član 21. stav 1.);
5. Ako stavi u promet sjeme sorti koje nisu priznate u Federaciji (član 25. stav 2.);
6. Ako uvozi sortno sjeme a nije upisano u Registar uvoznika (član 28. stav 1.);
7. Ako uvezeno sjeme uz otpremnicu nema propisane dokumente (član 29. stav 1.);
8. Ako proizvodi sadni materijal a nije upisano u Registar proizvođača sadnog materijala (član 40.);
9. Ako proizvodi sadni materijal koji nije vegetativno potomstvo priznate sorte (član 41. stav 1.);
10. Ako u promet stavi sadni materijal u suprotnosti sa odredbama čl. 55. i 56. st. 1. i 2. ovog zakona;
11. Ako uvozi sadni materijal u suprotnosti sa odredbama člana 57. stav 1. ovog zakona.

Za privredni prijestup iz stava 1. ovog člana kaznit će se novčanom kaznom u iznosu od 500,00 KM do 5.000,00 KM i odgovorno lice u pravnom licu.

Član 76.

Novčanom kaznom od 15.000,00 KM do 30.000,00 KM kaznit će se za privredni prijestup pravno lice:

1. Ako u toku vegetacije nije obavilo obavezni stručni pregled (član 8. stav 1.);
2. Ako dorađuje sjeme a nije upisano u Registar dorađivača sjemena (član 13. stav 1.);
3. Ako u cijelosti ne isporuči prirodno sjeme sitnosjemenih mahunarki dorađivaču sjemena (član 15. stav 3.);
4. Ako je preuzelo prirodno sjeme za koje nema uvjerenje o priznanju usjeva (član 16. stav 1.);
5. Ako je stavilo u promet partiju sjemena za koje nije utvrđen kvalitet (član 19. stav 1.);

6. Ako se bavi prometom sjemena a nije registrirano za tu djelatnost (član 25. stav 1.);
7. Ako uvozi sortno sjeme koje nije originalno zapakovano (član 28. stav 3.);
8. Ako prepakovanje nije izvršio dorađivač sjemena (član 28. stav 4.);
9. Ako ne vodi propisanu knjigu rasadnika (član 42. stav 1.);
10. Ako u toku vegetacije nije izvršen stručni pregled (član 43. stav 1.);
11. Ako uništi sadni materijal bez nadzora poljoprivrednog inspektora (član 45.);
12. Ako sadni materijal u prometu nije pakovan, plombiran i deklarisan na propisan način (član 51.).

Za privredni prijestup iz stava 1. ovog člana kaznit će se novčanom kaznom u iznosu od 200,00 KM od 2.500,00 KM i odgovorno lice u pravnom licu.

Član 77.

Novčanom kaznom od 1.000,00 KM do 5.000,00 KM kaznit će se za prekršaj pravno lice:

1. Ako ne dostavi izvještaj o obavljenom stručnom pregledu Federalnom ministarstvu (član 9. stav 2.);
2. Ako ne vodi evidenciju o izdatim uvjerenjima o priznavanju sjemenskog usjeva (član 10. stav 3.);
3. Ako ne vodi evidenciju o masi preuzetog sjemena (član 14. stav 2.);
4. Ako komponente u mješavini ne udovoljavaju uvjetima kvaliteta (član 15. stav 2.);
5. Ako nije uništilo otpadak nastao doradom (član 15. stav 4.);
6. Ako nije osiguralo potrebne podatke kod prijevoza naturalnog sjemena (član 17. stav 2.);
7. Ako stavi u promet sjeme kojem je istekao rok važnosti a nije utvrdilo klijavost odnosno zdravstveno stanje (član 24. stav 1.);
8. Ako nema službenika sa stručnom spremom sedmog stepena obrazovanja (član 26. stav 1. i član 54. stav 2.);
9. Ako u prodavaonici nema službenika sa stručnom spremom četvrtog stupnja obrazovanja (član 24. stav 2. i član 54. stav 3.);
10. Ako prodaje sjeme i sadni materijal izvan prodavaonice (član 26. stav 4. i član 54. stav 4.);

11. Ako ne drži sjeme u uvjetima koji osiguravaju njegov kvalitet (član 26. stav 5.);
12. Ako stavi sjeme i sadni materijal u promet u originalnom pakovanju bez deklaracije na službenom jeziku Federacije (član 29. stav 2. i član 58. stav 3.);
13. Ako se bavi proizvodnjom presadnica a nije upisano u Registar proizvođača sjemena (član 31. stav 1.);
14. Ako proizvodi presadnice od sorti koje nisu priznate u Federaciji (član 32. stav 1.).

Za prekršaj iz stava 1. ovog člana kaznit će se novčanom kaznom u iznosu od 300,00 KM do 1.000,00 KM odgovorno lice u pravnom licu.

Član 78.

Novčanom kaznom od 300,00 KM do 1.000,00 KM kaznit će se za prekršaj pravno lice:

1. Ako stavi u promet presadnice koje nemaju deklaracije na propisnom uzorku (član 33. stav 3.);
2. Ako presadnice nisu pakovane i označene na propisan način (član 33. stav 4.);
3. Ako stavi u promet micelij gljiva a nije upisano u Registar proizvođača sjemena (član 36. stav 1.);
4. Ako micelij u prometu ne odgovara deklarisanom kvalitetu (član 38.).

Za prekršaj iz stava 1. ovog člana kaznit će se novčanom kaznom u iznosu od 100,00 KM do 500,00 KM odgovorno lice u pravnom licu.

Član 79.

Novčanom kaznom od 100,00 KM do 500,00 KM za učinjeni prekršaj kaznit će se građanin ako stavi u promet sjeme i sadni materijal (član 26. stav 6. i član 54. stav 6.) ili ako učini bilo koju od radnji iz čl. 77. i 78. ovog zakona.

